

# Chon Aninnis Non Pioing

Mei wor pwungun an emon mei wor tufichingawen inisin epwe kawor ngeni emon chon anisi\* ika pwe e nom non rumwen imerechensi ika niiwing non pioing. Non ei fansoun, COVID-19 mei ouwesii ekkewe pioing ar repwe eukuu ika resapw chiwen mwuutata chon chuuto ren emon mei semwen. Nge, ren ennukun state, ekkewe pioing repwe mwuutata an epwe wor emon chon anisi ekkun mei wor tufichingawen inisir. Chon chuuto me chon aninnis mei sokkoffesen fan nurun ennukun Oregon.

Chon aninnis, re anisi aramas mei wor tufichingawen inisir re niiwing non pioing ika nom non rumwen imerechensi nge re mochen an epwe wor chon anisir:

- Ren ar repwe kapas
- Ren kefinen kokkotun aninnis seni pioing
- Ren an epwe wor wewe ren porousen aninnisin pioing, ika
- Ar repwe anisir non mwokutukutun iteiten ran

Chon mei tongeni angei ei aninnis ika chon nemenem wor, ir mei tongeni finata unumon chon aninnis. Chon pioing repwe mwuutata ion mei tongeni angei ei aninnis, an epwe wor emon chon aninnis epwe nomwongenir non unusen fansoun pwe repwe anisir. Kunokun mwumwuta chon chuuto ese pwan apachanong chon aninnis. Ekkewe pioing ina epwe wor ar ennu ren pekin tumwun ren eukuukun fitemon chon aninnis ar repwe nomwongeni emon chon semwen.

Ekkun chon aninnis repwe ponuweta ekkei ennu ren pekin tumwun ika repwe aninnis, ren ar repwe aea pwonupwonun won maas me fori angangen tumwunoch ren ar tonu pour me atowawa nefiinar me emon.

Ika emon chon niiwing pioing e mochen an epwe wor chon aninnis nge ese tuufich ika mei keuk, aweve ren eukun fitemon chon nomwongeni non ukuukun ew ran, ena chon niiwing ika chon aninnis repwe kokko fengen me chon angangen non en pioing pwe repwe mwiich fengen ren porousen chon aninnis ngenir.

Ika pwe en ika ewe chon anisuk e wor ami kapas eis, ami mei tongeni:

- Email ngeni Chon Anganga Porousen Oregon Health Authority COVID-19 ikei [covid.19@dhsosha.state.or.us](mailto:covid.19@dhsosha.state.or.us).
- Kokori ewe Chon Anganga Porousen Oregon Health Authority COVID-19 won nampa 503-945-5488.
- Kokori ewe Pekin An Ekkewe Mei Wor Tufichingawen Inisir Pwuung non Oregon won nampa 503-243-2081.

\* En mei pwan tongeni aneani ekkei porousen chon aninnis me won ei [taropwen porousan seni OHA](#). "Chon aninnis" wewen pwe emon chon non famini, chon tumwun, chon wiisen aninnis ika pwan emon chon kampo mei kame ika ese kame mei kefin meren ewe mei semwen pwe epwe wiisen aninnis ren tumwunun inisin ika nonomwun inisin ika epwe atoureochuu porous ngeni ewe mei semwen.